



Kommuneqarfik Sermersooq

Isumaginninnermut, Suliffeqarnermut Inuussutissarsiornermullu
Ingerlatsivik
Forvaltningen for Velfærd, Arbejdsmarked og Erhverv

Ulloq /Dato : 22. juni 2015
J.nr.: 72.03.01
Brev nr.: 2015-01-02-0073

Aalisarnermut, Piniarnermut Nunalerinermullu Naalakkersuisoqarfik
Departementet for Fiskeri, Fangst og Landbrug

Savaateqarfinnik nersussuaateqarfinnillu pilersitsinernut tapiissuteqartarneq pillugu Namminersorlutik Oqartussat nalunaarutaata nutarternissaanut atatillugu tusarniaanermut Kommuneqarfik Sermersuup akissutaa

Kommuneqarfik Sermersooq qujavoq savaateqarfinnik nersussuaateqarfinnillu pilersitsinernut tapiissuteqartarneq pillugu nalunaarutip nutarternissaanut atatillugu tusarniaanermut akissuteqarsinnaatitaagami.

Kommunip akueraa, atortut Namminersorlutik Oqartussat tusarniaanermut aallertarfiani nassaassaammata, atortussalli allannguutissatut kissaatit allaaserinerinik kiisalu nutaamik nalunaarusiortariaqarnerup tunuliaqutaanik imaqartunik tusarniaanermut allakkanik ilaqangillat. Taakku paasissutissanik tunuliaqutaasunik pissarsiffiusinnaasimassagaluarput aamma nutarsaanerup ingerlanneqartup tunuliaqutai tassuuna saqqummiunneqarsinnaasimassagaluarput - qiteralugit Kalaallit Nunaanni nersussuaateqarnerup ineriartornissaanut periarfissat kiisalu savaateqarfinnik nersussuaateqarfinnillu nuussiniarnermut atatillugu tapiissutinik qinnuteqarsinnaanermut pisariaqartitsinerit.

Atortuni ilanngunneqarsimasariaqaralarput, tusarniaanermut peqataatinneqartut aqqi. Tusarniaanermut siunertaasariaqaralarpoq sapinngisamik amerlanerpaat tusarniaavigineqarnissaat.

Kommunip maluginiarppaa nalunaarummik naleqqussaanerup kingorna periarfissaqalermaat uumasuteqarnermik aallartitsiniarnermut/pilersitsiniarnermut atatillugu qinnuteqarnissaq. Tamanna siusinnerusukkut savaateqarnermik aallartitsiniarluni periarfissaareersunut ilassutaavoq tunngaveqarluni, *Savaateqarfinnik nersussuaateqarfinnillu pilersitsinernut tapiissuteqartarneq pillugu Namminersorlutik Oqartussat nalunaarutaannik nr. 23-mik 8. aggusti 1993-meersumik*. Nalunaarut maannakkut atorunnaarsinneqassaaq taarserneqassalluni maannakkut tusarniutigineqartumik.

Kommunip aamma paasivaa nalunaarutip nutarsarneqartup nalunaarut 1993-imeersooq assigiinnangajakkaa assigiinngissutaavorli maannakkut tapiisoqarsinnaangormat savaateqarfinnik nersussuaateqarfinnilluunniit nuussiniaraanni imeqarneq, issoqassuseq, naasoqassuseq assigisaallu pissutigalugit nuussinissaq pisariaqartillugu.

Kommuneqarfik Sermersooq

Postboks 1005, 3900 Nuuk, Grønland Tlf.: (+299) 36 70 00 E-mail: kommuneqarfik@sermersooq.gl

Ammasarfiit

Ataa. – Ping. 10.00 – 15.00
Sisamangorneq 12.00 – 17.00
Tallimangorneq 10.00 – 12.00

Åbningstider

Man. – Ons. 10.00 – 15.00
Torsdag 12.00 – 17.00
Fredag 10.00 – 12.00

GER-nr. 31290937

Bankkonto 6471-1000052
PBS-kreditor nr. 01938681

Savaateqarfinnik nersussuaateqarfinnillu nuussinissamut atatillugu tapiissutininik qinnuteqartoqarsinnaangornera aningaasartuuterpassuarnik nassataqarsinnaavoq, kommunillu nalunaarummi § 4 naapertorlugu akileeqataasussaammata, tamanna kommunip eqqarsarnartoqartippaa. Naatsorsuutigineqarpoq naasoqassuseq pissutigalugu nuussinissamut tapiiffigineqarsinnaangorneq tunuliaqutaqartoq sumiiffiit ivigaarullugit nerisitsisoqartarnera aamma Kommunip kaammattuutigissavaa paarlattuanik anguniarneqassasoq nungukkiartuutaangitsumik ivigaqarfiit aqunneqartalernissaata pingaartinneqarnissaa.

Kalaallit Nunaanni nunalerinermik imminut napatissinnaasumik ineriartortitsinermut atatillugu taanna nalunaarummik nutarsaaneq atorineqarsimasinnaagaluarpoq, Naalakkersuisut nunalerinermut pilersaarutaannik oqaluttuussinermut aamma uumasuuteqarnermut tapiissutissatut periarfissat nutaat pilersaarummut ikorfartuutaasinnaanerat pillugu. Ilanngullugu nassuiarneqarsimasinnaagaluarpoq taanna nunalerinermik inuussutissarsiornerup siuarsarneqarnissaa pillugu Inatsisartut inatsisaannut nr. 6-imut 2. december 2009-meersumut qanoq atanersoq aamma/imaluunniit tassani naatsumik periarfissat oqaluttuarineqarsimasinnaagaluarput.

Nunalerinermik inuussutissarsiornerup siuarsarneqarnissaa pillugu Inatsisartut inatsisaanni nr. 6-imi, 2. december 2009-imeersup kap. 4-ani takuneqarsinnaapput inuussutissarsiutinik siuarsaanermut taarsigassarsianut aalajangersakkat aamma kapitali 5-imi tapiissutit pillugit aalajangersakkat - ilanngullugit sunut taarsigassarsititsisoqarsinnaanersoq aamma tapiissuteqartoqarsinnaanersoq. Sualummik taakku aalajangersakkat periarfissiisutaat eqqarsaatigalugit naapertuunnerusimassagaluarpoq savaateqarnermik nersussuaateqarnermilluunniit aallartitsiniarnermut atatillugu tapiissutigineqarsinnaasunik naleqqussaanissamut siunnersuutigineqartumut tulluussarneqarsimasuuppata.

Kommunip kissaatigaa Savaateqarfinnik nersussuaateqarfinnillu pilersitsinermut tapiissuteqartarnek pillugu Namminersorlutik Oqartussat nalunaarutaanni nr. xx-mi, xx. yyyy 2015-imeersumi annermik erseqqissarneqassasoq pilersitsinermut atatillugu aningaasartuutit sorliit tapiissuteqarfigineqarsinnaanersut. Tamanna allaffissorneq nalunaarutillu isummersornissaa eqqarsaatigalugit kiisalu savaatillit aamma/imaluunniit nersussuaatilli qinnuteqaataannik sanasarnissamut atatillugu naapertuutinngilaq.

Tassunga atatillugu paasinartunik tigussaasunillu sanaartornermut pitaartornermullu aningaasartuuteqartoqarsinnaavoq, aamma pilersitsinermut atatillugu aalajangersimaqqissaartunut "on-site"-nut siunnersortininik ikiorneqarnissamut tapiissutininik qinnuteqartoqartarnissaa pisariaqarsinnaavoq - tassa Nunalerinermut Siunnersuisoqarfiup neqeroortigisinnaasaasa avataatigut. Kommuneqarfik Sermersooq eqqarsaatigalugu Arsummi savaatillit il.il. taamatut siunnersorneqarnissartik pisariaqartissinnaavaat aamma nalinginnaasumik pisariaqartitsisinnaapput isorliunerusut kiisalu pisuni naqitatigut aamma/imaluunniit oqarasuaatikku attaveqarluni siunnersuineq tamakkiisumik pisinnaatinnagu aamma peqataanik immikkut ilisimasalimmik siunnersortimik piffissami aalajangersimasumi najuuttoqarallarnissaa pisariaqartillugu.

Tapiissutininik tunineqarnermi piumasaqaatit § 5-anni aalajangersarneqarpoq oqartussaaffiit tapiissutininik unitsitsisinnaanerat aamma ilanngullugu; tapiissutaasimasut utertinneqarnissaannut piumasaqartoqarsinnaasoq.

Aamma Savaateqarfinnik nersussuaateqarfinnillu pilersitsinernut tapiissuteqartarneq pillugu Namminersorlutik Oqartussat nalunaarutaanni nr. 23-mi 8. aggusti 1993-imeersumi allassimasoqanngilaq tapiissutisisinnaajunnaartup imaluunniit tapiissutisiasimasanik utertitsisussat naammagittaalliorsinnaasut.

Politikkikkut suliarineqareerpat allannguuteqartoqarsinnaanera eqqaamaqquneqarpoq.

Inuulluaqqasillunga // Med venlig hilsen //Best Regards

Inussiarnersumik Inuulluqqusilluta/

Med venlig hilsen

Grethe H. Nielsen

Pisortaq, Isumaginninnermut, Suliffeqarnermut Inuussutissarsionermullu Ingerlatsivik